



سون پاریتی

شعر توپلومو

علیرضا ذیحق

آماده ی چاپ : 1387

نسخه ی الکترونیکی : 1387

Son Parıltı Şer Toplumu Əliriza Zihəq 2008

zihagh@yahoo.com

www.kitab.blogfa.com

ايچينده كى لر :

- 1- روييا 3
- 2- اينسان و توپراق 7
- 3- پاشايش 10
- 4- سمفونى 12
- 5- گونش 16
- 6- مرثيه 18
- 7- گونول نومه سى 21
- 8- پاخيش 23
- 9- سون پاريلتى 24
- 10- نيله ييم من 25
- 11- گنج ليك 26
- 12- آنا وطن 28
- 13- عاشيق اعلان اوچون 28
- 14- دويشودار 29
- 15- صاباج 31
- 16- تورلر كنجير 32
- 17- زمان پيمانه سى 33
- 18- آنا حسرتى 34
- 19- محمد رسول الله (ص) 35
- 20- وطن سئوگيسى 42
- 20- وارليق 44
- 22- اوزگون گونول 45

- 23- وطن 46
- 24- دویخنو 47
- 25- استادشهریار پن ایتگی سی 48
- 26- بهمن پن پیرومی دوتشوزی... 50
- 27- شاعیر دوستوم انزاب خوی اوچون ... 51
- 28- شاعیر دوستوم عباس حاجی زاده اوچون ... 52
- 29- شاعیر دوستوم بهرام صاحب دل اوچون 54

ضمیمه : 55

علیرضا ذیحق حاققیندا شعرلر

موعاصیر آذربایجان شاعیر لریندن **علیرضا ذیحق** یازار : پرویز یکانی زارع

علیرضا ذیحق حاققیندا اینگیلیزجه بیر یازی / شهریار گلوانی

رويا

بوداق لار جان تاپيري
و آغاجلار ايتيرديك لرين
چيچك سه ميوه سه يادا يارپاق.
گونش آزيري
آخشام اولجاق چاشيري
سحر لري تاپيري
بيتب گنتميش فصیل لري
گول سه گولوش سه
شاختا يا خزان.
گوندوز گنجه ده ايتيري
گنجه لر گوندوز ده
آمما تاپير لار وارليق لارين
اولدوز سا آي سا
يا كي گونش.
آنجاق
اونلارين هر تاپديقي
بيزي بيز دن
سني مندن
مني سندن آليري
سالخيم سالخيم دريري
اوشاق ساق يا گنج

عليرضا ذيق

يا كي قوجا.

ايتيريك ايتديكجه ، ايتيرديك جه

مئوسيم لرین گليشي له.

تاپانمادان كئچميش يولون

هارا گلسه قونوروق

توزساق يا دومان

ياكي نارين قار دَ نه سي!

2007

اينسان و توپراق

سارماشيق گول لرين اويوپ كوكون دن
آسيرام بير كوف كيمي بوداق بوداقا
اوشاقلار كوف گنديب
گولوب يوكسه ليرلر
قاماشير گوزلري گون ايشيقيندان.
ومن تار لادا
سويكه نه رك آغا جا
بيراووج تورپاغي
عطيرلى نور تك
سپيره م قلبى مين كوچه له رينه
و مملكتيم جانلاناراق گوزوم ده
اوزومو گو روره م قانلار گولونده .
أل آتيب كونلومو بايراق ائتسه م ده
هئچ قاماشمير گوزوم نوردان گونش دن
قارانلىق كوچه رك
گوزلريمه بيردن
يننه ده اوشاق لارين سنوينجى هر دم
ايراراق گوزلريمين
كيپريك قاپاغي
ايبليدركوف گنتمه بين هوسين منده.

کؤفا مینمه یه سیرام چاتینجا
 بَللی ره م گۆی ده کی
 گۆی قورشاغینی
 تاولانیب ، توو آلیب اوجالیق لارا من
 گۆ روره م بوینومو آسیلان داردان
 و اوراغ تک رنگ لی
 او گۆی کندیری
 سیخیر تیخجالیر
 دیلک لر جانین .
 قانلار آمما داملا - داملا آخاراق
 بیر بوخچا گول تک ساوریلیر گۆی دن
 چئوریلیر آمزی یه قیزیل قیر میزی
 قونداق دا ببه لر سورورلار اونو
 بوخچا دا ایتیری
 لاله لر ایچره.
 بوتون ائل لرده آخین- آخین آخیری
 سورولموش سؤکولموش شوخوم لوق لارا
 گۆ رور لر کوتانا ایلیشیب بیر کفن
 گولله لر له دئشیلیمیش
 قانلی پرچم کیمی .
 یاشلانان عؤمرومون یاغمور لاریندان
 قاچماغا اولمایینجا آیاغیم منیم
 هله ده هایلیرام ای مملکتیم
 سئوگیم غوروروم

سنه يئتميردى بيه
آلدين گؤز لرین ده، آغین قاراسین؟
سعادت برکت دیله ر کن سنه
قومادین بیرجه گون بوغولمادان تئز
آزادلیق لا دنیزه یاخینلا شام هئی .
دادمادیم ، دادمادیم دادینی دا اگر
آغری لارین بس دیر
داها مملکتیم
کدر لرین یئته ر داها مملکتیم!
آنجاق دئمه بیلیمیربودا
هر اؤلکه ده، هر اوبادا
سوچ لار هئچ واخت یوردون دئیل
تانری دئییب اینانمایان اینسان دا دیر
اینسانلارین جیبینده دیر
میزین ده دیر
بئش اون گونلوک کئفینده دیر!
سیرداس لاریم ، ائل داشلاریم
مملکتین توی بایرامی، دونیانین شادلیقی دا
چیچک لرین ایچینده سه
بیر ده سیزین آلیز ده دیر
سایری شان گون لری نن
کوف گنده ن گول لر ده دیر!

84/12/829

یا شاییش

من هله گلمه دن
گلیب گورمه دن
یاشا بویا دولمادان
یاشاردی دورمادان حیات
یاشا بوغاردی گوز یاشلاری
یاشلی لاری کورپه لری!
هم ده دنیا یاشاداردی
داشا- داشا زنگین لری
قیزل یوکلو گمی لری
آشا- آشا دنیزله لری!
من هله گلمه دن
گلیب گوروب سنومه دن
سنوگی سنودا بیلمه دن
سنویب سنومک آتشی
اورهک لرده یاناردی
چوخلاری دا سنودیگی،
سنودالی یا
یاناردی!
من هله گلمه دن
سن ده گلیب چیخمادان

اينسانين پيرتلاشيق بختينين ساچي
گوموش دن قيزيل دان آلسادا رنگي
مرمي لر گولله لر
اوره ك لر دئشيب
بيلك لر قالديريب
چؤكن بايراقاي!
بايراقاي توپراقاي قيزيل قانلي لار
قورتولوش هايلايب
آلين تريله
قارانليق كؤچسه ده
گونش گلسه ده
اوفوق تك آغارميش
ائلين ساچلاري!
من هله گلمه دن
اونلار گليب چاتمادان
آغلي توزلو قارالي
گونلر گليب كئچه جك
انسانين قاني را
سئوگي سئودا جاني دا
بايراقلارا چؤنه جك!

26/8/83

سمفونی

کۆینه ییم یاسلی دیر
گۆز لیریم پاسلی
دابانیم گلمه بیر
دربه دم باری
دۆنه م بیر داها دونه نه ساری
أز یلمیش بوکولموش تاپدانان قاپی
دووردان سؤکولوب چکیله دالی !
دیشیم توپراقی آغری دان دیشلیر
یومروغوم آجی دان دووارا ایشلیر
ایلی ییم سوموک ده یارامی ایز لیر
یوخوم یاتسادا صباح لا دیل بیر
کابوسی تیتره دیر
هایقیریر سیزلیر.
من ، من دئیيله م
قان دا قان داها
ساوریلیر داشلا نیر داملی بیر یئره
پولاد دا د میر ده اولماسام دا گر
قاتلانیر قات با قات
کیپری ییم تتلیم

تاپدانير كوره ييم
بوکولور بئليم .

اولوري آغ کفن گو زومون آغی
چئوريلير گو رلارا
اومود لار باغی
آلشيب اود توتور بوستانين تاغی .
دئميره م قاييدام او گونه داهی
قورتولوش هايلا يام
قيفيل لی ديل له
آنچاق کئچميش لرین دونن لرینده
کؤ کی قالميش
اؤزو يوخموش بير آغاجدا
يئتگين ايتگين بير ناريم قالميش !
اولمايير ، اولمادان دا اولماز هئچ وخت
ديلك لر گول ساچا غونچه آچمادان
سانجیر آنچاق سانجیلان سا نسيز سا نجی لار
نور سوز بير کؤزون کولون ده حتتا !
دوزو بارماقلاريم دا دار گلير منه
دولو وورموش کتانی
بير باشماق کیمی
يورويوب اؤتمه سه م ده گئديره م يوللار
تاپام بلکه ده سئوگیلی ناری .
اونار منه يار ایدی
چو خدا بير گون ساز ایدی

توفان گلدی ، دومان قویدی
 پوزقون ائتدی شهر یاری
 آلدی آل دن شهرزادی.
 هئج بیلمه دیم نئج اولدی
 بوتون گونلر توز اولدی
 عؤ مور گئچدی پاس اولدی
 یاس گولو تک دوواردان
 آسیلاراق یاد اولدی .
 ائله او گون دن ده من
 بالتا یئمیش کپه نک لر قانادینی
 بیر باردان یوک کیمی
 چیی نیمده چکه رک
 یاریاق یاریاق اونلاری
 ایل ده تای دان آچیرام
 گول چیچه بین مین رنگ لی ساچینا
 سانجاق لاییب تاخیرام .
 و آمین اولاراق کوچه نین نجابتینه
 بیر بیتگی تک سوسقون لوغوملا
 بویلانیب باخیرام
 یول اوستونده کی
 داش کؤریویه
 حئیف آمما گنده نمیرم
 داش آغلی یام
 بیر مسجیدین نور حوو ضونا!

تکجه اونون خاطيره سى له
قانلى ياشلار تو کوره م
بیر کال نارین یانا قینا .
کؤلگه مه سیر ماشیب سور مایین کیم آم
گلین آما سیز اولون تانری
هنچ بیر تارى تار گورمه بین
ساز صؤحبتى چوخ گورمه بین
گوروش لری
گولوش لری
ساققیز کیمی آغیز لار دا
هنی چئینه ییب داد ائيله بین
پتک لری
بال ائيله بین !

2003

گونش

گونش چیخیب باخماغا
گونش گۆزل یوردومو
داشدان داغدان سوردومو؟
بیلدیمی چنلی بئل لر
قوروب بیزیم بو ائل لر
آخیب دی چوخلی سئل لر
کور اوغلونون باشیندان
قانلار سوزوب قاشیندان؟
گونش گزیر سماني
گونش گۆزل یوردومو
بولوتلاردان سوردومو؟
بیلدیمی هئچ یاغیشلار
گۆی دن گلن آلقیشلار
بابکین آخان قانین
شیمشک تک چاخان جانین
چای دنیزه آختیدی
سارایلاری داغختیدی؟
بالاجا قره بالیق
چایدا اوزوب یان گنتدی
اوره گیندن قان گنتدی

صمد اونو گورمه يه
ياراسيندان اؤيمه يه
آرازهاچان گندي؟
اوتاي بوتاي هايلا دي
ياشار، اولدوز آغلادي
اؤتن ايل لر يازيندا
ده ده قورقود سازيندا
ستار خانين ياسيندا!
سارا سارا قوش اولدو
اصلي گيلين باغينا
ساوالانين داغينا
شهر يارين تارينا
قونموش اولدو اينله دي
گونش سؤزون دينله دي
گونش آما بيلمه دي
قارا گؤزلر سورمه لي
اينسان عؤمور سورمه لي
قلبي ياريق يوردواو
گوردوندن سوسدواو؟
گونش گزه ر سماني
سئچر دوغرو زماني!

28/7/83

مرثیہ

" آتیلا ایلمان " اوپون

داش آغلادان بیر آیریلیق
وولقان اولور ، آتش اولور
یئر اوزونه قاناد گیر
بیر شاعیرین سونون یازیر
اوره ك لره حوزون یاییر!
ایستانبولون یایلاقلاری
یاشیل جانلی یارپاقلاری
پاییزین سولغون لوغون
هله جاندان دادما سادا
ایلحان بابا
کؤچور چؤکورایشیقلارا
نورساچیری دریا لارا.
مرمره نین آخیشیندان
قارا دنیز دالغاسیندان
آغ گونلرین ماهنی سینی
توتور سالیر شعر تورونا

تا پشيري دوداقلارا
دولاشير دونياني او
كؤنول لرين سولطاني او !

گمي لرين افندي سي
كؤلگه قوران
پاپا غي له
كيتابلارا اينجي سپير
دويغولاري درير سرير !
بيلمم آما ندن بيري
ائل اويانين گلين جي يي
هيجره هئچ دؤزه نمه بير
أ ل آتير تئل لرينه
باش تاجيني
پول - پول ائدير
شن ليك باغين پوزقون ائدير .
ايلحان بابا،
دنيزلره جوما جاييق
دالغالاردان سوراجاييق
هاردا ايشيق سئوگي وارسا
" آتिला " تڪ ايگيت وارسا
عؤمور بويو سئوه جه بيك !
" ناظيم " لري " ياشار " لاري
" كايا " لاري " ييلماز " لاري
" يول " اولوب كؤريو قوران شاركي لاري

علیرضا ذیحق

دنیزلرین وورغو نو او
" قاراجا بالیق " لاری
ائل اونود سادا
دیل اونود سادا
سازلارهئچ اونودارمی ؟
اولا ماز آرخا داشیم
اولاماز یار یولداشیم
" شهریار " ین سیر داش لارین
شیرین سؤزلو دیل داشلارین
اونودماز هئچ زامان یولو
کول ده اولان آلوو کؤزو!
گله جه گین
گمی لری سیز
بوتون گؤزلر به یی سیز .

2004

كۈنۈل نغمەسى

كوسكون گۈروب گونشي نندن
اۈزۈندن هيچ سوروشمادىن
بۇيلە بىر دويغويا چاتدىن نىيە؟
ايندى نىيە؟ بو آن نىيە؟
گۈزلويوم گۈزوم دەكن
بىر آيا- بىر اولدوزا
سمانين قلوبىنە دە
با خديم ندىن گۈرەنمە ديم
ايشيلتي لار- پاريلتي لار
آزجا آنجاق سوروشمالار
گنج ليك باشقا تهر
ايندى نىيە بۇيلە تهر؟
عۈمورون گونلري دە
چوخ - چوخ نىيە سياه - بياض
هردىن دە بىر رنگلي دير
بىر اوشاغينقاچيشي تك!
آنجاق اورمان، ياپراق، آغاج
ياشار سادا سولغون، سولموش أسگين آنلار
باهار گليب ياشيل لا دار
مين لر بويا، چايير- چيمن
هر بيريئري عطيرلەدەر.

عليرضا ذيق

اينسان آما

!ندن بئله اوره گينه باغلي بييري

فصيل لرين معناسي دا

كؤنول لردن آلا ر حيات.

12/7/78

خوي

باخيش

گونلري گورمز اولدوق فصیل لردن كئچهرهك
نئجه كي آنلارا گوز يومدوق گونلر بيتهرهك
آمما ايللر قالدی آلين دا كي قيريش تك قات باقات
و گولوشلر قالدی بوزومسهك، گوزلرین اؤتمه سيندن
اورهك لر وارلیق لاردا سؤنرمي دئيه هؤنكورتولر، آغلایيش لار
آنچاق نه ايللر نه آيلار، قيريش لار دا قالماز اولدو
توپراقا وئرديك ده هر بير سئوگي ني
بوداق لاردان قوپاراق ياشیل لار – ساري لار
اوچوب آخيب يئره قوناراق!
هوندور اوجا بير داغ قاريندان سوزوب آخان
مئوسيملري گورمز اولان
قيش لا باهارلار قاريشان
آخيشيب دورمايان دوم – دورو چايلار سويوتك، آنلاري آنلاياق
تكجه قالان،
ياشار- اولمز
لحظه لردي آنلاردي.

خوي 22/7/83

سون پاریلتی

داغلار نه قدر هوندور اولسادا
یقین کی بیرگون آری بیرگندهر
اولابیر گؤزل گرای پارچارسی
زمانلا اودا قهرییر گندهر

بورانلا کولک قیشین شاختاسی
قارا اولکه نی بورویهر گندهر
بورانلی قیشین آدیجا ایلك یاز
گلر قارلاری کورویهر گندهر

آسدم لاکسدم توتدوم دئیهنده
بیرگون دونیادان ملهیر گندهر
یوزلرجه گؤزل ایگیت ساچینا
فلک قار کولک آلهیر گندهر

جوشان سئل کیمی انسان همتمی
بیخار طولمتی سورویهر گندهر
آخان اولدوزون سون پاریلتیسی
سؤنر قلبیمدیر چورویهر گندهر

17/6/64

خوی

نئيله ييم من

هي باخيرام ساغا- سولا	تيكيليپ ديرگوزوم يولا
گلمز اولسا نئيله ييم من	گلن بلکه ياريم اولا
آي چيخيب ديرسويا باخير	آينا تكين بولاق آخير
سؤنمز اولسا نئيله ييم من	عشق آتشي جاني ياخير
يئر- گؤي ياتيپ ياتاغيندا	گنجه سکوت قوجاغيندا
دينمز اولسا نئيله ييم من	هرشئي يوخلوق چاناغيندا
عؤمروم منيم اولموش ياري	قيشدا چوخدورداغين قاري
دؤنمز اولسا نئيله ييم من	هيجره ماييل گؤزل ياري

1368

ياي فصلي

گنج لیک

خزان سیز بیر عؤمرون گوللو چاغیندا
کؤکدن قوپاریلیمیش بیر چیچک اولدوق
حیاتین بوروقسوز، چن سیز داغیندا
زیروهه چاتمامیش بیر دیک اولدوق

حیاتی افسانه، ناغیل بیلمه دن
های اولوب قیشقیریق سالمادان سولدوق
دردلر زینه وئردی، چاغلادی آخدی
دریا یا دؤنمه میس بیر گؤله دولدوق

قورتولوش گؤزله ییب سونسوز زماندان
حیاتی لحظه یه، آنلارا بؤلدوق
گنج لیک دن پای بیزه، خزان ساختاسی
قوشولوب بیز اونا، کوللاری یولدوق.

7/3/72

خوی

آنا وطن

بيرعسگرم آل اوزموشم جانيمدان
وطن خاطيرينه، ائل خاطيرينه
چمن خاطيرينه، گول خاطيرينه
بولبول کيمي قيش قهريني چکميشم

وطن دوشمانيله دؤيوش زماني
اصلان کيمي جبهه لرده ياتميشام
آزادليقا - استقلال اچاتماغا
چوخ محنت چکميشم غمه باتميشام

بابک کيمي بويانسامدا آل قانا
وطن توپراقيني يادا ساتمارام
مني شن ياشادان وطن عشقي دير
بو عشقي باشيمدان هئچ واخت آتمارام

يالنيز بودونيدا بير ديله گيم وار
اينسان گؤزو قان ياشيله دولماسين
حورمت اولسون آزادليقا هر زمان
آنا وطن سارالماسين سولماسين

22/9/59

عاشیق اصلانا اتحاف

بولاق کیمی، سینہ سی سؤز چاغلایان
سازدؤشونده گئجه-گوندوز آغلایان
هر بیر سؤزو سینهلری داغلایان
اودورکی وورغونام سازی- سؤزونه

ائلین دردین اوسؤ یله بیر سازیله
سازین سسین روحلاندریر سؤزیله
الفت قاتار باهاریله یازیله
اودورکی وورغونام سازی- سؤزونه

صدفلی ساز ککلیک کیمی قاققیلدار
اصلان سسی داغ- دره ده شاققیلدار
قاینار بولاق کیمی، جوشار پاققیلدار
اودورکی وورغونام سازی- سؤزونه

شهرتی توتوبدور خویی، سالماسی
محبت پایلایار عالمه سی
اسکیلمه سین باشیمیزدان کؤلگه سی
اودورکی وورغونام سازی- سؤزونه

19/7/59 چورس

دو يغولار

شاعير دوستوم "حامد ماکوئي" اوچون

اوخويوب شعريني دوپاندان بري
فتح انديب کؤنلومو اونازلي بري
اولوبدور سؤزلرين سينهم از بري
نه دئييم نه دئييم دو يغولاريمدان

کدرلي زاوللي مين پوزقون اينسان
سؤزونده جانلانير گوج تاپير هرآن
کوراوغلو قيرآتلا ائنده جولان
نه دئييم نه دئييم دو يغولاريمدان

دئمکله پولاددان يونولموش سؤزون
سؤنولمز، اوره کده آلاوين کؤزون
دوراندا قارشيمدا شعرينله اؤزون
نه دئييم ، نه دئييم دو يغولاريمدان

ساچينادن دوشوب آغارساداگر
دنيزده لپه آغ گؤرونمز مگر
همتين دنيزه - عمانه دهيه ر

علیرضا ذیحق

نہ دئییم نہ دئییم دو یغولاریمدان

ماکونون گۆی لیرین قارتال آلاندا

دو یغولار قول آچیب قانادچالاندا

"حامد" ین سۆزلرین یاده سالاندا

نہ دئییم نہ دئییم دو یغولاریمدان

13/5/65

صباح

نه اوچون دؤزمه ييب تله سيرهه هي
صباحي نه اوچون گؤزله بيرهه هي
بيلميرهه بيلميرهه آنجاق كي من
صباحا چاتمالي، چاتمالي يام تئز!
بیر صباح كي اينسانين اينامي- سؤزو
ياسولماز بير گولون ايلك آچماسيدير
يا بولاقدان چاغلانان كؤپوكلر كيمي
بوي آتيبدير چه لیب فايداسيز باتماسيدير
بیر صباح كي بيلينر بيليرهه
كؤنول گولسهده كدر لنسهده!

9/1/68

خوي

عومورلر كنجیر

رسام دوستوم ممدعلی بواریان اوپون

قالارکن آرزولاریم دوماندا چنده
بوگونلر بویللر آردیجیل گئدیر
فیکریمین اسیری اولموشام منده
بیر گؤز قیر پیمیندا عؤ مورلر کنجیر

دوشونجه یول گئدیر بیر یئره چاتمیز
بو حیات کائنات هارداندر اؤزو
فیکرلر دینجه لیب اوزانیب یاتمیر
بونلاری آنلاماق آغیردیر دوزو

یارادان کیمسه دیر یارانیش ندیر
گرک دیر دوغولار آلیشایانا
یئر - گؤی دریندن سس سیز چیغیریر
بؤیوک دور هرنه دیر سیغمیر خیالا

1368

یای فصلی

زمان پيمانہ سی

گؤزلرين گؤرمه گه گؤزه ليم سنين
گؤزله مك نه ايچون چتين اولوري؟
أليني سيخماغا، اوزون گؤرمه گه
زمان پيمانہ سي نه چين دولموري؟

ياشاران گؤز لريم اوره گيم كيمي
دردلي دير سؤزلو دور آما دينميري
هجرانين آتشي يانديرير مني
گؤرمه سم گر سني بو او دسؤنموري!...

بوشعري قارداشيم دكتر سعيد ذيقق ين خسته خانادا ياتان گونلري دئسه م ده آنچاق بو
قَدَريني ياددا ساخلا يا بيلمى شه م .

25/10/68

خوي

آنا حسرتی

گۆرمه یه گلدیم سه گۆره بیلمه دیم
پریشان ساچلارین هۆره بیلمه دیم
دوداغیم تیتره دی سسیم چخمادی
آنا جان دردینه دۆزه بیلمه دیم

کردی ده گوللرین یاشیل قیرمیزی
سنه ردین یارییزی گولونرگیزی
گۆزلرین یام یاشیل حیات اولدوزو
بیلمزایدیک قدرینی والللاه دوزی

ناغیل لار دئییه ردین اوشاق کن بیزه
زامان سارسیدارکن کۆچورتدو دیزه
جان آناسؤیله ییب آنا دیلده من
حئیرانام سن قویوب گئدهن هرایزه

19/7/79

محمد رسول الله (ص)

داش دان آغاچ دان يونولموش مين لرحه تانري
 جهالت توزونو دونيايا يايديقي آندا
 پارلايير ظولمتين جاهيل گؤزونده
 آيشان بير گونش يئرين اوزونده.
 آي اولدوز توي توتوب شن ليك قوپارير
 قاماشير گؤزلري ملك لرين ده
 دوغاركن سؤنمه ين بير نور "آمنه".
 موساني، عيساني، نوحى، خليلي
 ايشيق لار آليري قوينونا بير آن
 گؤرورلر دنيزلر نورا چئوريليب
 تورپاق دا لعل ايله مرجان لاريله
 دينله يرکن داوودون خوش الحانيني
 سمانين سماع رقصي له بيرگه
 "محمد" جمالين تانري اذيني له
 سئير انديرلر دويماييرلار سحر اولونجا.
 آنجاق ايبليسين پوزقون كؤنولو
 اسير تيتره بير بو موشتولوق دان
 گؤزلرين دن ياغراق حوزون ياشلاري
 آند ايچير تۇكدوره اينسان قانلاري
 نمرودلار قابيل لر فيرعون لار يئتمه ييب
 "حجاز" دا دونيادا وارليق اولونجا

هوس دن گوناھ دان بایراق قالدیرا
 حسد دن توخویا طاماح تورونو
 آتا گؤل لرین بولور قلبی نه
 کؤنول لر بولانا، شرلر پارلانا.
 ملک لر یوردو او جنت باغیندان
 قوودورارکن آدمی حوانی بیر گون
 دولدورا یئر اوزون دوستاق لاریله
 ایشکنجه بوغونتو، اوغورلوق یالان
 حیاتی چیراقلی بزه یی اولا.
 ایبلیس شیطانین جیلدین گیره ندن
 بیلسه ده آلاھین یاشار وارلیغین
 یئنه ده عینادان کوفردن دویمور
 آدمین سعادت داشی یان یوکون
 سیچان تک چئینه بیر جالادیر نورون.
 نییه کی گون لرین کئچمیش لرینده
 مقدس بیر ملک اولسادا ایبلیس
 چیخمیشدی یول دان یانلیش غورورلا
 تانری آدمی عزیز سایارکن.
 ایبلیسین گؤزلری کول ایله دولدی
 "محمد" دونیانین صفاسی اولدی
 امین لیک دوزلویون میثالی اولدی.
 آناسی گون کیمی باتسادا واخت سیز
 "آمنه" سؤنسه ده، سؤنر شام کیمی جان سیز
 کیمسه یه سیغمادان، تانری یا سیغدی
 آلتی یاشدان قالاراق کیمسه سیزنبی.

"ابوطالب" ايله "عبدالمطلب" و وقارلاريله
 آتاسي "عبدالله" ين عطرين وئره رك
 آجي يا دؤزمه يي صبير ائتمه يي
 اوجا داغلار قدر گوجلوقالماغي
 همده محبت له سئوگي نين دادين
 اونا دادديريب اؤيره دركن
 بوي آتدي ياشادي، اؤزسويونون پاك نفسي له.
 واري يوخ دان يارادان تانري
 دومانا چئوريلن مظلوملار آهين
 قادين لارگلين لرقيزلارين تاپدانميش حاققين
 بير داها اينسانلارين يادينا سالدي
 "محمد" عشقينه آييق و وجدانلار
 طاغوتا بُت لارا ابيلمز اولدي.
 طبيعت يام ياشيل اولمازسادا اوردا
 "مكّه" نين گول چيچك سيز چؤل لرينده ده
 عطيرلر ساچيردي "كعبه" دونيايا.
 "محمد" ده چيخاركن سفره سئيره
 داشيردي آلاهي ن نورونو گؤزده
 سازالماز دردلرين ده درمانين مرهمين
 آزادليق، مساوات، عدالت بيليب
 بيرليك دن ديرليك ليك دوغاركن دئيه.
 آلاهي ن جلالين "حَرَا" داغيندا
 نيبايش نيداسي له گولله نديريردي
 چاتينجا قيرخ ياشا جبرئيل گلدي
 نبوت مؤزده سين هديه وئره ركن.

"محمد" تانری نین رسولی اولدی
 اوره یی "وحی" ایله جالاندى دولدی.
 حیات یولداشی سایین "خدیجه"
 "وحی" ین بشارتین آلدی جانینان
 ایمان دا اینام دا اوسوه اولاراق
 اسلام دینی نین فخرلی، یوری اولدی.
 سونرادا مردلرین مردی مورادی
 "علی" بیر عؤمور پیغمبرین جانانی اولدی
 "محمد" بعثت ایله عدلی، جهادی
 ظولمون اؤنون ده بیر سیپر ائتدی
 تانری نین بیرلی یی گرچک اولارکن
 تیتره دی قیصرین روم دا سارایی
 ایرانین شاهی ده چکدی هارایی.
 اومودسوز صباح سیز خسته اوره ک لر
 فریادا عوصیانا قیامه قاخدی.
 اون اوچ ایل مکه ده اسلام چاغریشی
 زره، زورا زیوره تهلوکه اولدی.
 ایلاهی دوپغولار چاغلابیب آخدی
 نبی نین دعوتی دونیایا چاتدی
 ایشکنجه، اسارت، اذیت آما
 سارسیدارکن مکه ده مسلمان لاری
 همده "محمد" جانینا قیی ماق آماجی
 بوتون دوشمن لرین شوعاری اولدی.

تؤهمت لر پایان تانری دانانلار

قاخديلار تۆكمه يه "محمد" قانين
 "علي" نين آما خبري اولجاق
 شهادت عشقينه ايمان شأينه
 ياتماق ايله گئجه ني رسول يئرینده
 قيليش لار "علي" ني پارام پارچالارکن
 دوشدولر آختارماغا نبي ني بيرده.
 پیامبر ايلاهي يارديم لاريله
 گوردو گيزلين دي يي غاردا بير آن دا
 مين لر توراتان تورلار توخودو
 كوهولون آغزيني اورتوب باسیردي.
 دوشمان لار آل اوزه رکن اومودلاريندان
 پیامبر هيچرتين تملين قويدو
 يثرب "اهلي" محمد" ي آليب باغرينا
 ائتدي لر گؤزلرين به يي نورو.
 نبي نين آرخاسي داياعي "يثرب"
 "مدينه" آدلانيب گول چيچك اولدي.
 هيچرتين ايل لري آغير جنگ لر
 باشلاندي موشريك لرين قوشون لاريله
 اوخ لار قيليش لار عمود نئيزه لر
 ياغارکن مسلمان يوزلر اي بيده
 اولدي شهادت ناماز دوعاسي.
 سونوندا "خئير" ين قالاسي چؤكدي
 بوتون دوشمن لرين چيراغي سؤندي
 ظفرلر قازاندي حق له عدالت.

"مگه" ني فتح ائده ركن اسلامين گوجو
 پيامبر سنويملي گؤزل لحن ايله
 آزادليق فرمانيني اعلام ائده ركن
 كيمسه نين آخمادي بورنوندان قاني.
 حقيقت بايراقى قرآن نواسي
 پايلادي دونيايا سنوگي نيداسي.
 ظفردن كئچه رك اون ايلجه تامام
 حج دن گله رك خلق ايله رسول
 پيامبر "علي" ني ولي سي سئچدي
 بير ايل سونرادا خسته جانيله
 "علي" نين چيي نينه باشين قوياركن
 جيسميني ترك ائديب عرشه اوچالدي.
 بو اوچوش آما كئچميش سفر تك
 "معراج" دئيبيل دي قايدا رسول.
 مدينه ياس توتوب گؤزلهر آغلادي
 مسلمان اومه تين بو داغ داغلادي
 ملك لرله بيرليك ده قان ياش توكه رك
 حوزون لي داملالار سئل اولدي آخدي.
 عصيرلر اوتوب يوزلر ايل كئچه ده
 مسلمان بير مبارز اينقلابچي روحلا
 فريادلار قوياريب حق دن دئيه رك
 سايريشان گؤزله بيله بيردن آغلادي
 "فاطمه" نامينه چاتديقي آن دا
 تكجه بير جومله ايله قورتاردي سؤزي:
 "فاطمه، فاطمه دير" فقط بو قدر

من ده بير سؤز تاپمادان رسول شأنينه:

سؤيله رم قليم له بؤيوك اينام لا

"كربلا" نين "حسين" ين بسله ين آنا

"محمد" قيزي "فاطمه" دير، "فاطمه" دير!

وطن سئوگیسی

چن لر دومانلار داغیلسین دئییه
گونش لی گوندوزه یول آچدیم دونن
جانلاندي گۆزومده دونن لر نئنه
عۆمورلر کئچن میس حیاتلار اؤتن

کئچمیش لر دنیزتک دالغا وورسادا
کدرلر خیال لار دوشدولر یادا
یاشاماق نه دئمک هیچ یاشامادیق
اومودلار داشیدیق صاباها آنا

آه لارلا نیسگیل لر بیر عۆمور بویو
اینسانین سیرداشی یولداشی اولدو
دیپکلر سئوگی لر گولوش لر آنجاق
شیمشک تک چاخارکن پارلا دی سولدو

اؤتن گونلرین توزلو ایناسنیدا
باش آلیر یول گئدیر خیالیم منیم
اۆلکه می یوردومو یادا سالینجا
اوجالیر شوکتیم کمالیم منیم

ایزیمیز تایخدن سیلینمز اولدو
دیلمیز ائلیمیز نیسگیل لی آمما

سورگون سه ياساق سا يازي پوزوموز
عصيرلر پارلايار سؤنمه سين سانما

اولورمو دونيادا آناديليني
اونودا ائل اوبا آتا داشيني
شيرين دير دوغمادير هره نين ديلي
ايگيتلر وطنه و ثره باشيني

بابك لر تاريخده قول بوداق اولدو
ايچين ايچين آغلار حزين آنالار
وطن سئوگيسيني ياشاداق هر آن
محبت گونش دن ياناردي يانار

21/11/80

وارلیق

حیاتدان داریخیب سیخیشان زامان
اورهك ده بیر سیروار سؤزلردن گیزلی
اٹنیشدن یوخوش دان یورولان اینسان
جومار اؤز ایچینه گؤزلردن گیزلی

اینسان وار اورهكده محبت اودون
گونش تك بسلهیر نورون پایلایار
بیرده وار بوزکیمی گئیننه ر دونون
اٹلین شن گونونده اولدم هایلایار

مئوسیملر کئچیری آیلار ایل اولور
چیرپینیر جان- عومور بیرگول دن اؤتور
اومودلار آرزولار چیچک تک سولور
اوشاقلیق قاجیری گنجلیک اؤتور

یاش اؤتدوکجه عؤمور گون ده داردادیر
قاجیردار اینسانی یورار وارلیقی
کؤنول ده سینیق دیر پارامپارچادیر
گول گینه دونیا یا سینا دارلیقی

اوزگون كۈنول

اورهك دولموش سماپوزقون
گلر گلمز آياق يورقون
حيات چاغلار بولوت آغلار
اومودلار پس ندن سولغون؟

سئوگي قله ايشيق ساچميش
كيمسه توتقون سئوگي قاچميش
گرک وارليق عشقه داشسين
حيات عشقه كۈنول آچميش

گونش گيزلي ديلك سورگون
سولان گولتك كۈنول اوزگون
اومودلاردا بوشا چيخميش
ندن اوزلر گولر هر گون؟

بويير سيردير گولن آغلار
كدر آغري اورهك داغلار
داغين باغري اود- آلاوسا
دينچ ساكيت ياشار داغلار

19/1/81

وطن

گونش تڭ پارلایان آنا وطنی
سئوهرم جان کیمی آذربایجانی
اودلارین یوردو اویانار ئولکه کی
ایگیتلر بسله ییب وئریب دیر قانی

سئویره م اؤلکه مین باهارین یازین
خزره یول دؤین جوشغون آرازین
گؤل لری بول سودیون اؤرده یین قازین
گؤزل دیر یوردومون توپراقی کانی

ساوالان وو قارلی ائل لریم واردیر
سهندین اورینین باشلاری قاردیر
وطن سیز یاشاماق ایگیته عاردیر
هایلا گل سین وطن کوراوغلون هانی؟

دیلم تورکودور شیرین دن شیرین
ئل اوبا آذری تاریخیم درین
سسله رم دونیا یا بیلمه سز بیلین
اوغروندا اؤلکه مین وئرهرم جانی

دو يغو

دوغوشون ايزله ر كن آيين گونشين
مين كره اومودا
آرزويا دولدوق
اولدوزلار بختى ميز آينا ميز ا ولد و
گو زل لر سئوگى ميز
سئو داميز اولدو.
گئجه يه طولمته اويقويا باخما دان
محبت دئييله ن دو يغو لو نورلا
رو يا لار هر بيرآن مين رنگه چؤندو
دولاشديق ياشاديق
هر اوره ك ده بيز...
ساققيز تك آلما ميش وارليقين دادين
ده ييشمه دونيا يا حياتين آين!

85/10/25

اوستاد شہریارین ایتگی سی اوچون

كۆنولر گۆینه دن كدرلي خبر
سارسیدیر اینسانی دوشونن قدر

گئجه لر اولدوز لار ساییشان زامان
سؤنور بیر پاريلتي آخیشیر یامان

آلولا ر اۆلكه سي قارالار گئییر
بؤیوك بیرشاعیرین كۆچمه سین دیئیر

شعیرلر سوساركن گلمیری دیله
شاعیرین ایتگی سی یامان دیر ائله

ووقارلي داغلارین شانی دیرشاعیر
یاس توتور دوغولار شاعیره خاطر

اینسانلیق هؤرلوب گونش دوغاندان
شاعیر افسانه لر سؤیله یر هر آن

یاشارلیق اونونلا تاپار بیر حیات
نئجه كي تاپیپ دیرشیرین له فرهات

كلمه لر قول آچیب قاناد چالیری

نظامي سئوگي دن الهام آيري

شاعيرليك تانري نين الهامي دئمك
بوتون كائناتي كؤنول دن سئومك

اورهك سؤزلري دفترى ياديگار
گزه رهر ديار ائل ايچينده ياشار

اونوتماز ائل او ابا ائله اينساني
دوشونن دو يغوسال بؤيوك بيرجاني

عاشيق لار ساز چالپ نغمه قوشارلار
" شهريار " سسله ييب جاندان جوشارلار

عصيرلر اؤتوب آشاسدا سئلر
شاعيرين آدينى ياشادار ائلر

1383

بهمن ين يرمى دوققوزى

اۆلكه ميزده حق نداسي اوجالدي
 جلاد لارين رنگي سولوب سارالدي
 ائل چاليشيدي شاه رژيمين پوزماقا
 ئيني قانون ئيني تاريخ يازماقا
 قوچ ايگيتلر بير- بيرينه يار اولدو
 ايشيق دونيا قولدورشاها تارا اولدو
 فهله- ايشچي اكينچي لر اوياندي
 شاه اؤنونده تبريز اوگون داياندي
 قانلار آخدي هر بير ياندا سئل اولدو
 ظفر چالان دؤيوش لرده ائل اولدو
 شرف ساندي آذربايجان عصياني
 سنگر اولدو اوديور دونون هرياني
 بهمن آبي عصيان آبي سايلدي
 اوردا بوردا ياتيب قالان آييلدي

1356

شاعير دوستوم " انزاب خونى " اوچون

حيات دا ايلقارا بويون آيه ن لر
محبت جمالين سن ده گوره ر لر
آيناني سينديريب من من ديبه ن لر
كدرلي اوزلرين چن ده گوره ر لر
دiniz سن دالغا سان شعرين قاني سان
هونر زيروه سي "خوي" ون جاني سان
جوشغون بولاغ سان سهند ين قاني سان
ائل اوبا مين ياشار شن ده گوره ر لر
اولاق ذره تو زدا ، قاناد چالاريق
اودلار ديبارين دان هاي لار سالاريق
تاني نين عشقينه جان دان دالاريق
نهنگين گوجونو دن ده گوره ر لر
" اورين " ين فخري سن " انزاب " اي عزيز
دوشونجه ن سئل اولوب دويغون بير دنيز
سوروننه م تا ورام سنله ديز به ديز
گوزونون قان ياشين من ده گوره ر لر

85/7/28

بوداقلار جنیرانی

شاعیر دوستوم «بهرام صابریل» ایپون

آخيسان قلبیمة دنیزلر سایاق
خایلین اولاراق گؤنلومه دایاق
گونلری سایمادان دوسلوغی سایاق
هارای لار گل چکه ک سین سادا قاناد

سولغون یاناقلاردی گؤزله یین بیزی
وار اولسون ائل اوبا یاشاسین ایزی
ظفرلر قازانسین اوغولو قیزی
هایلایاق گول چیچک سین سادا قاناد

دئدین دامجی یام بیر شیہ هم سیرداشام
آغلیان یاس توتان گؤزلره قاشام
داغ تک وولقان اولوب گرجوشام داشام
کؤرپولردن گل گئچه ک سین سادا قانادا

تازی نین لوطفودور یوردومون قاری
پتک ده توی توتوب اوینایار آری
عاشیق لار ساز چالین چاتلادین ناری
سویوندان تا ایچک سین سادا قاناد

اۆلكه مين اولسادا چوخلي قالاسي
"اورين" ده ساغالار " بابك" ياراسي
نجابت هايلايان سئل لر ساراسي
يارام دان تيكان چك سين سادا قاناد

"خوي" ون چوخ سئويملي گؤزل "پئره" سين
بوداق لار جئيراني بالا سئيره سين
اونوتمام ائل لرين گولن چئهره سين
آغا دؤنسه بيرچك، سين سادا قاناد

حورمتلی دوستوم "عباس حاجی زاده" یه اتحاف اولونور

دا یا قین تانری دیر دیله گین سئو گی
کؤنلونده رنگ لی چیچک لی باغ دیر
گل وئره ک ال اله هایلایاق بوگون
دوسلوق لا محبت سینمایان داغ دیر

طبعین بیر بولاق دیر " اورین " بئلینده
گزیری شعرلرین ائلین دیلینده
آختار رام آدینی سازلار تئلینده
بؤبوک دور ائل اویان اوزونده آغ دیر

دؤنسه ده عؤمروم خزانه باده
سالارکن کوثرین عطرینی یاده
"اونوتمام من سنی یار "حاجی زاده
وارام تا کی من ده بو جان دا ساغ دیر

مسیحا تا کی وار عوذرا دؤشونده
مارال لار اوینایا ر داغلار دؤشونده
شئعیر لر قایناییب جوشسا دؤشونده
قورخما سن، دؤن سئله "آغ چای" دایاق دیر

سون پاريلتي

ضمیمه :

علیرضا ذیحق حاقیندا شعر لر

موعاصیر آذربایجان شاعیر لریندن علیرضا ذیحق یازار : پرویز یکانی زارع

علیرضا ذیحق حاقیندا اینگیلیزجه بیر یازی / شهریار گلوانی

انزاب خوئی

ده رین دوشونجه لی شاعیر و یازیچی دوستوم "علیرضا ذیحق" جنابلارینا اتحاف

گل اوپوم شاعیریم آل دوداقیندان
هر شربت دن شیرین بال دوداقیندان
مرجان لار، اینجی لر سال دوداقیندان
همت وارسا، قارتال قانادی سینماز

بیر گون لاله‌له‌نر سولغون یاناق لار
ظالیم باشیندا سینار چاناق لار
چکر سؤیون! چاغریلمامیش قوناقلار
داش یاغارسا، قارتال قانادی سینماز

نا حق یئره قاداخلانیب دیر دلیم
هیرناق لارا قالیب دایاق سیز ائلیم
آی ائلی‌مین دیلی جانیم سئوگیلیم
یئل قوپارسا، قارتال قانادی سینماز

دامجی لار، دامجیلار سیرت داشی دیر
نولوق "اولار بیر گون اینجه شیوکه لر"

قويون لار سودله نر قوزولار ملر
بولوت سارسا، قارتال قانادي سينماز

من قوربانام سوزانليان اينسانا
سوزي سوزدن سئچه مطلبي قانا
جانيم قوربان اولسون آذربايجانا
گوي شاخارسا، قارتال قانادي سينماز

بوداق لار جنيراني " كونلومو آچدي "
اوخودوم سينه دن غم، كدر قاجدي
بواولو سينه مه افتخار ساچدي
ياغيش، قارسا، قارتال قانادي سينماز

من عاشقم دوشموشم ديل دن، ديله
حسرت دن گوز ياشيم دؤنوبدور سئله
گؤندرديم گول چيچك سنه بير سله
فلك يارسا، قارتال قانادي سينماز

بهرام صاحب‌دل (هایم)

صداقت و ورغونی

شاعیر و یازیچی دوستوم "علیرضا ذیحق" مکتوبلارینا جاواب

آغنادی قلبیمه دوسلوق دنیزی
مکتوبون الیمه یئتیشن زامان
احساسلی یارادیب یارادان بیزی
ای لطیف احساسلی ای گؤزل انسان

دئدین کی گل اوچاق سین سادا قاناد
ایندی اوچا بیللم قانادیم سن سن
گل اوچاق گؤیلرده ای ائوین آباد
گؤی لری کسمه ده اوستادیم سن سن

بولورسن عاشیقم من نجابتیه
نجیب انسانلارا وار محبتیم
وورغونام سنین تک با صداقتیه
قوی اولسون محبت شأنیم شهرتیم

تازنین لوطفودور گول، چمن، چیچک

ياز فصلي چؤل لري بوروين چاغلار
گل وئرك آل آله سئيرانا گئده ك
گئینده آل یاشیل اؤرتوگی داغلار

"اورين" ين باشيني قيشدا قار آلار
يازدا دؤشلىرىنه گول لر ساچيلار
"بابك" ين ياراسي بيرگون ساغالار
اوركلر سيلينسه گؤزلىر آچيلار

بولورسن سئويرم "پئره" ني منده
كىمدي كي سئومه سين دؤغما وطني
بوداق لار جئيراني اوردا گزنده
سوزگون باخيشلاري صيد ائتدي مني

سئوگيمين يولوندا سينسا قاناديم
عاشيقم دردلره منده دؤزوم وار
اؤلسم ده قالاجاق نيسگيل لي آديم
"عاشيق" لارين سازلاريندا سؤزوم وار

پرویز یکانی زارع

مواصیر آذربایجان شاعیر لریند ن: علیرضا ذیحق

علیرضا ذیحق " بیرشاعیر و حئکایه یازان دیر کی گونش ایلین 1338-ینده خوی " شهرینده آنا دان اولور.

ذیحق " آذربایجان نشریاتی نین تانینمیش سیما لاریندان دیر و " ده ده قورقود " " آپلیغینین 1359-1361 ینجی ایل لرده باش یازیچی سی ایدی. هابئله " کیهان " گونده لی گی نین اؤزه ل " ادب و هنر " تحریرییه سینین آکتیو عوضوی (1364-1366 ایل لرده) ایدی و یوزدن آرتیق عینوان مقاله ، شعر، داستان و چئویرمه تورکجه و فارسجا یاییلان نشریياتدا او جومله دن : وارلیق ، یول ، اولکر ، ارك ، انقلاب یولوندا ، مهد آزادی (آدینه آدلی اؤزه ل صحیفه لرینده / قاسم ترکان نین باش یازاریغی ایله) و ...چاپ اولوبدور.

اوج تورکجه کیتابین نشری (آذربایجان گولوشو ، قاشقای ائل ادبیاتی ، غلام حیدر داستانی) (1359-1376 ایللر آراسیندا) بو شاعیرو یازیچی نین ادبی چالیشما لاریندان سایلییر.

زخم شیشه / شوشه یاراسی " علیرضا ذیحق نین قیسا حئکایه لری نین ایلك " توپلوسو اولاراق 1380-نجی ایل ده زوفا نشری طرفیندن یاییلیب و " ایتگین اولدوز " آدلی تورکجه یازدیقی حئکایه لر مجموعه سی ده یاخین گله جک ده یاییلا جاقدیر . شاعیرین شعر کیتابی کی " سون پاریلتی " آدیندا دیرهله بو گونه جان چاپ اولمایبیدیر.

اؤرنك اولاراق اونون بير شعريني بوردا گتيريره م:

سون پاريلتي

داغلار نه قدر هوندور اولسادا
اولاير گؤزل گراي پارچارسي
يقين كي بيرگون آري بيرگندهر
زمانلا اودا قهري ير گنده ر

بورانلا كولك قيشين شاختاسي
بورانلي قيشين آرديجا ايلك ياز
قارا اولكه ني بورويه ر گندهر
گلر قارلاري كوروير گندهر

آسدیم لاکسدیم توتدوم دئيه نده
يوزلرجه گؤزل ايگيت ساچينا
بيرگون دونيادان مله ير گندهر
فلک قار كولک أله ير گندهر

جوشان سئل کيمي انسان همتي
آخان اولدوزون سون پاريلتي سي
بيخار طولم تي سوروير گندهر
سؤنر قلبيمدير چوروير گندهر

عليرضا ذيق شعرده و يازي دا " آغ چايلى " آدينى اينتيخاب انديب دير و شفاهي
خلق ادبياتيندا آپارديقي تدقيقات دا ها آرتيق ديقيقه ته لاييق دير.

Dərviz Yekənzare

Muasir Azərbaycan Şairlərindən : Əliriza Zihəq

Əliriza Zihəq bir şair və hekayə yazan dır ki günəş ili 1338- ci ilində xoy şəhrində anadan olur.

Zihəq azərbaycan nəşriyyatının tanınmış simalarındandır və ə "Dədə Qorqud" ayılığının " 1979- 1981" - ci illərdə baş yazıçısı idi. Habelə "Keyhan" gündə liginin özəl " Ədəb və hunər " təhririyyesinin aktiv uzvy idi və yuz dən artıq məqalə , şeir,dəstan və çevirmə turkcə və farsca yayılan nəşriyyatda o cumlədən: Varlıq , Yol , Ulkər,Ark , İnqilab Yolunda, Məhd Azadi(Adinə adli özəl səhifələrində -Qasım Turkan ın baş yazar liqilə) və ...çap olubdur.

Uç turkə kitabın nəşri " Azərrbaycan Guluşu , Qaşqay el Ədəbiyyatı ,Qulamheydər Dastani" (1979- 1996 illər arasında) bu şair və yazıçının ədəbi çalışmalarından sayılır.

"Zəxme Şişə – Şuşə Yarası" Əliriza Zihəq in qısa hekayələrinin ilk toplusu olaraq 2000 –ci ildə Zufa nəşri tərəfindən yayılıb və " İtgın Ulduz" adli turkcə hekayələr məcmuə sidə yaxın gələcəkdə yayılacaqdır.

Örnək olaraq onun bir şerini burda gətirirəm:

Son parıltı

Dağlar nə qədər hündür olsada
Yəqin ki bir gün əriyər gedər
Ola bir gözəl gər ay parçası
Zamanla o da qəriyər gedər

Boranla külək qışın şaxtasi
Qara ölkəni buruyər gedər
Boranlı qışın ardıca ilk yaz
Gələr qarları kuruyər gedər

Asdımla kəsdim tutdum diyəndə
Birgün dünyadan mələyər gedər
Yüzlərcə gözəl igit saçına
Fələk qar külək ələyər gedər

Coşan sel kimi insan himməti
Yixar zülməti suruyər gedər
Axan ulduzun son parıltısı
Sönər qəlbim dir çuruyər gedər

Əliriza Zihəq şeirdə və yazıda " Ağçaylı" adını intixab edibdir və şəfahi xalq ədəbiyyatında apardığı tədqiqatlar daha artıq diqqətə layiqdir.

2000 - xoy

Shahriar Galavani

Alireza Zihaqq

Alireza Zihaqq was born in Khoy in 1959. He came from a middle class family of modest circumstances.

From 1982 to 1986 , Zihaqq lived in Tabriz and tehran, where he completed a bachelor's degree in Tehran at the University of Tehran and taught elementary and high school in Tehran and Khoy and in surrounding towns and villages.

Zihaqq began writing fiction in the 1974 and his first short story , miracle of coins (Mojezeye Sekkeha) published in Girls &Boys (dokhtaran va pesaran) . His publication of short stories in magazines and literary journals and elsewhere in the early 1980's introduced him as a talent writer. His establishment of Dada qurqud, the chief literary - humor journal of the day published in Tabriz, and his participation in literary circles in Tehran brought him a reputation in literary circles. Zihaqq's published books are:

Lost star

The tale of Golam Heydar

The tale of Ahmad and Adalat

Trib Litrature of Qashqayii

Scare of glass

The bride of Nakhjvan

....

Zihaqq has written many short stories and literary articles in literary magazines. His weblog is very active and you can read a lot of interesting articles and stories there. His weblogs address is:

[www. Maral65.blogfa.com](http://www.Maral65.blogfa.com)

